



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 192. De traditis bonis in villa Amarki in pago Scotelingo.

urn:nbn:de:hbz:466:1-36114

fui ludberti quidquid in illa uilla habuerunt et quod in *haddefbif* et quod in *uatu* habuerunt testes aibertus recharde uidugo beya et alii VIII.

gubernante Corbeiam Adalgario.

§. 192.

Tradidit fuuuiſ pro remedio animae ſuae in *ammarki* (S) quidquid habuit teſtes hildiuuardus bozo bodi marchbern et alii VI.

§. 193.

Tradidit eilbertus pro remedio animae rikerdi medietatem de terra quam ipſe poſſedit in *pago* qui dicitur *fleitbi* (T) in uilla quae appel-

dam, qui hoc loco *Recharde* appellatur et inter teſtes reperitur, inter progenitores dominorum de Hoinboken retulerimus, verifimiliter hi tres fratres *Richardi* eiufdem confanguinei fuere. Ergo non potuerunt non hi tres fratres fuiſſe filii vel *Helmrici* vel *Adelbari* nepotum Angariorum ducis Brunonis. Videtur *Ludbertus* conditor fuiſſe uillae *Liudberteshus*.

(S) *Ammarki* uilla erat in *pago* *Scotelingo*, teſtante noſtro Regiſtro antiquiſſimo bonorum abbatiae Corbeienſis. Cum uero huius pagi mentionem iniiciendi occaſionem nondum habuerimus, munus atque officium erit noſtrum, in ſitum eiufdem pagi ſtudioſe inquirendi. Arbitramur ergo pagum *Scotelingo* eundem fuiſſe pagum, qui in diplomate S. Bernwardi appellatur *Scotelingen*, cui anno 1022. tribuuntur uillae *Himdisdare* et *Hogevefen*, quae probabiliffime ſunt *Himmelstür*, haud procul ab vrbe Hildeſia in praefectura *Steuerwald*, et *Heyerſen* in praefectura *Poppenburg* intra epiſcopatum Hildeſienſem. In eadem uero regione deprehendimus vicum *Emmerke*, locum praefecturae *Steuerwald*, quem uillam *Ammarki* eſſe ſtatuiſſe. Cum autem vicus *Emmerke* non procul abſit a monaſterio *Elſcherde*, quod olim quidam nobiles domini dicti de *Elſcherde*, et uasalli Corbeienſes incoluerunt, fortaliſ *Stuwif* in progenitoribus dominorum de *Elſcherde* eſt referendus.

De pago Scotelingo et uilla Ammarki.

(T) *Situm pagi Fleitbi* inueſtigaturi, primo debemus illum probe diſcernere a *pago* *Flotwita*, qui C. F. Paulinio in commentario de pagis ne quidem, quantum ad nomen adinet, fuit cognitus, atque a doctiſſimo Caſp. Abelio in *Antiq. Saxon.* in terris epiſcopatus Hildeſienſis quadam cum fluctuatione collocatur. Eundem ergo pagum accuratori conſideratione eſſe dignum, nullus non ſentiet, imprimis cum tabulae publicae *Heinrici Saxoniae ducis ac comitis palatini ad Rhenum* adhuc anno 1203. eiufdem pagi, licet is non admodum luculente nominetur, mentionem iniiciant. Ex his elucet, dimidium *Flotwede*, quod fuerat *Heinrici Leonis* patris eius, parti *Otonis IV Romanorum* regis ceſſiſſe. Ita enim uerba in eodem diplomate habent: *In alio latere a Brunſwic uſque Flotwede terra ſua eſt, et ipſum Flotwede dimidium a Flotwede uſque Honouir terra ſua eſt.* E quibus uerbis colligimus, prouinciam: *Flotwede*, de qua meminit diploma, fuiſſe in ducatu *Luneburgico* ab vrbe *Brunſwiga* ſeptentrionem uerſus, uerſus urbem *Zelle*, et procurriſſe occidentem uerſus uſque ad fines ducatus *Hannouerani*. Et ut hoc palam fiat omnibus, ipſas uillas, huic pago in antiquis chartis attributas, producere et exhibere libet. Ex his eadem opera conſtabit, pagum *Flotwita* contiguum fuiſſe uerſus ſeptentrionem *pago Bardengo*, uerſus orientem *pago Derlingo*, et uerſus meridiem *pago Falbon*. Hoc autem ut euidentiffime probeamus, praemittemus uerba diplomatis foundationis monaſterii *Wynhuſani* de anno 1233, e quibus apparet, locum *Wynhuſen ſuper Aleram* ſuuium dictum eſſe antea *Huginhuſem*, eiufque proprietatem cum omnibus ſuis pertinentiis tam in temporalibus quam in ſpiritualibus ad ius epiſcopale *Hildeſienſis* eccleſiae pleno iure pertinuiffiſſe, et hanc proprietatem *Conradum epiſcopum Hildeſienſem* ad complimentum deſiderii *Agnetae Heinrici ducis Saxoniae et comitis palatini Rheni coniugis* contuliſſe ancillis *Chriſti* ibi Deo perpetuo ſeruituris. Hanc autem terram eccleſia *Hildeneſheimenſis* tempore *Acelini epiſcopi* anno 1052. iam acquiſiuerat, teſtante diplomate caeſaris *Heinrici III*, quod e *MSpto* inferimus:

De pagis Fleitbi et Flotwita.